



Scheda Culturale > Mesuras Antigas

In sa bidda de Elini fiant prus is messajos de is pastores. E su logu puru fiat prus bonu pro is messajos, e tando is pastores de in ora in ora iscasseddaiant cun is pegos issoro in cussos masongiles o terras bonas. Sa produtzione fiat su bonu de trigu, olia, fruta, sarmenta, cheràsia.

Si impreat in s'allega elinesa su verbu **boddiri** (boddire), pro s'olia, sa patata, su lande, sa castàngia, pagu e nudda collire. Sa collida est narada **s'arregorta**.

Is mesuras antigas

Si impreaiant istèrgigheddos pro medire su pesu, ma sa mesura torraiat a sa capatzidade de s'istèrgiu:

Pro *trigu*, *òrgiu*, *cijilianu* (o trigumoriscu), *cijiri* (basolu pitzudu, chighere), *faa*, e *gasi*:

| Nòmene de sa mesura | capatzidade | Relata cun imbudu |
|---|--------------|------------------------|
| Ùncia (untza) | 30 gr. | |
| Libbra | 1/3 de litru | 1/9 de imbudu |
| Imbudu | 3 litros | 1 |
| Cartùciu | 6 litros | 2 imbudos |
| Cartu | 12 litros | 4 imbudos / mesu carra |
| Carra | 24 litros | 8 imbudos |
| Mou (moju) <i>(su moju est peri sa mesura chi torrat a su tretu de terra chi serbit pro arare unu moju de trigu o de òrgiu)</i> | 48 litros | 16 imbudos / 2 carras |

Pro *binu*, *òju* (ògiu) e *gasi*:

| Nòmene de sa mesura | capatzidade | |
|----------------------------|--------------------------|--|
| Còngiu | 3,24 litros | |
| Broca de binu | 14 litros | |
| Broca de òju (ògiu) | 10 litros | |
| Carratellu de binu | 1400 litros (100 brocas) | |